

OMUKWETU

Registered at the General Post Office as a Newspaper

OILONGA IHAPU YOVAPOLIFI KAYA LI I SHII KU TALWA, VAHAPU OVE LI MODOLONGO

Ovanhu vahapu ove li meedolongo navamwe otava hakulwa moihakulilo molwoipute yomadengo ei ya hololwa kovapolifi va S.A. pOndangwa o-mafiku aa.

Ongudu inene yovanhu tai tengenekwa i dule eyovi limwe, oya li ye ya kOndangwa eti 15.8.1973, okupwilikina eemhangu dovawiliki vaSWAPO no-ngudu yomushamane Johannes Nangutuuala, DEMKOP.

Fimbo vahapu inava fika meni loluumbo lohofa, ovapolifi ovalaule noilumbu kelombwelo laKolonel H.J.van Loggerenberg, ova nhukila ovaenda vohofa needilo domangumi, okuhovela meni loluumbo fiyo momaumbo opoushiinda o-mo ovanhu va ka hondama.

"Omesho ange okwa li taa tende eshi hai tale omukulu'adi omukulupe ta nhukilwa kovapolifi ovalaule vatatu ta dengwa fiyo a wila po," osho omuhokololi umwe ou e shi mona nomesho aye a ti.

Edengo eli lihe na eshikulafano, okwa li tali ningilwa keshe umwe ta hangika popepi, omulumenhu ile omukainhu, omukulupe ile okaana, wa ile kohofa ile owa pita po ashike.

Ovanhu ova tewa fiyo omoixwa, tava konderkelwa keedate ngashi eembwa, vo tava shilwa moihauto omo va londa mo ngashi oipakete.

Ava inava mona omukumo wokulotoka, ova dengwa naanaa ngashi ndongi ina hala okushila oshipululo.

"Noshimuna shoye omunhu ito shi denge shi fike penya." Osho omutali umwe woshinima eshi omutivali a hokolola.

Ovashamane Johannes Nangutuuala, Johny Otto Jimmy Amupala, naAndreas Nuukwavo, ovo kwa li ve na okupangulwa fiku olo. Opwa li yo oilyo ikwao yaSWAPO nayo i na okupangulwa pamwe navo, ndele inashi ningwa, osheshi hahende, omupopili wavo ina holoka.

Eemhangu davo otodi ka twikila eti 10.9.1973.

Onghwate imwe aike Justus Amkongo, a pangulilwa odolongo yodula imwe, ye ina popilwa kohahende yaye.

Eshi tuu eenghwate da taelela omupanguli mohofa, yo ongudu inene, vahapu vomuvo ovnyasha, oya li tai uya tai ehene keembelewa kohofa yo tai imbi omaimbilo emanguluko.

Divadiva elenga ekulunhu mOndonga, omushamane Immanuel Elifas, mumwaina woha-mba Filemon Elifas, okwe va ingida va shune kokule, opo vati vaha mone oshiponga.

Fimbo ondaka yelondwelo inai pwa mokanya, vo ovapolifi ovo va dja Namibia alishe, ova kalukila ovanhu noikulumbwati tava denge. Okwa li tava tengenekwa ve fike 40 ile 50.

"Ngha li te dulu okulidiinika okutala omukulukadi wange e li koshi yomadengo ovapolifi ovalumenhu vavali. Onda lotoka ndi ke mu xupife."

Osho omufitaongalo Lasarus Nhipandulua a hokolola ou omukulukadi waye omuhakuli Alisa, a kala ta tunhwa noikulumbwati ngashi eyoka fimbo a wila po.

Tobias Hauuanga (Kakolonya) oye umwe waavo tava nangala ntango moshihakulilo eshi a li hanga a mona oshiponga momutwe. Omufitaongalo Festus Ashipala oku li paife xwepo, ta twikile noilonga yaye. Osho yo hamushanga mombeleva yovanyasha mOngwediva ou a li ta xuwa a fa oilya nomutwe medu, ta fiwa po ke shii kulikwafa.

Lao linene eshi pwa li vahapu tava tale ava tava fiwa po ngha naavo tava ekelwa shi ngaha meendjila kovapolifi ngashi Kakolonya. (Tala kepandja 7).

OSHIGWANA OSHA INDILWA SHI NYANYUKWE

Nonando ku na omakemo ogendji maantu, omatilitho, omalimbililo, nenge omatiko gombinzi nokuli ngashi sha ningwa omasiku ngaka, onkene tuu Ongerki yomOwambokavango ewi lyayo olyo ndika kutya oshigwana shi kale natango shi na enyanyu lyasho, oshoka Jesus ngoka ita kuthwa po kusha mOngerki, oye ombili yetu.

Pahapu yOmuyapostoli Paulus Rom. 12:17,18, Epangelongerki olya tumu ekundo ndika komagongalo agehe, opo iilyo yOngerki yi hangane mombepo yedhiminathanopo noyegalikano okugalikanena onkalo yevi lyetu noshilongo shika. Ekundo olya ti:

"Omolwomapiyagano nomatiko gombinzi ga holoka moshigwana shetu nombili mokati kaantu ya yonuka omolwomaipumomumwe goshigwana nEpangelo, Epangelongerki otali tumine omagongalo ekundo ndika kutya, omagongalo ga fale iiningwanima mbika yevi noyoshilongo shetu kuKalunga mwene negalikano, opo Kalunga mwene a endithe ye a wilike iinima kehalo lye.

"Onke nyanyukweni metegameno, iidhidhimikeni mootina, dhigini-neni egalikano. Inamu galulila nando omuntu uuwinayi we, lalakaneneni mbyoka yo opalela aantu ayehe. Ngele tashi wapa, one kombinga yeni kaleni mu na ombili naantu ayehe."

AMUSHANGA KU GENEVA INA
PEWA EPITIKILO

Ombapila yepitikilo lyokuya kuSuidwes, (visa) oya tindilwa ishewe Christa Held, kEpangelo lya S.A.

Meme Held amushanga mombeleva yoshikondo shilonga muuyuni shOngongahanganq yaAkwaluther (WLF). Amushanga Held okwa li e na okuya Ongerki ye tu ye a mone owino wii-longafaneko yimwe (projekte) tayi longwa mpaka kekwa tho lyiimaliwa hayi pitile mombeleva ye.

Efaneko lyolweendo nduka, ando olya hulile 11 Septemba.

+++

NANGUTUUALA ITAA PANGULWA WE

Elaka lya zi kOvenduka otali ti kutya, iihokolola yooJohannes Nangutuuala, Johny Otto, Jimmy Amupala na Andreas Nuukwawo mbyoka ya kala tayi konakonwa mohofa yopombanda, oya ekelwahi sho ohofa inayi mona mo ondjo yi shi okutama-nekelwa omuntu. Mbaka oya li ya kwatwa kaapolosi

mOwambo netamaneko kutya oya ningi oshigongi shaashi shopaveta okuza petameko lyaMai nuumvo.

Oku na oyendji taa tamanekelwa natango ondjo ndjika noya tegelele epangulo pehulilo lyomwedhi nguka nenge petameko lyomwedhi tagu ya.

Oveta yeindiko lyiigongi mOwambo otayi longithwa mpaka okuza 1972 sho ya tulwa miilonga.

Pamalunza gamwe goonkundana, oonkwatwa dhi li mondholongo okuza eti 15.8.1973 siku aantu ya dhengwa pOndangwa noya kwatwa, otaku tiwa omwalu gwawo ogu thike lwopo 260, aakiintu kumwe naalumentu.

HOSPITALE SUSTERS DRINGENDE
NODIG

PLEK vir Matroon en ses susters generaal-en Kraamsertifikaat is beskikbaar te St. Mary's Hospitaal, ODIBO. Doen aansoek met briewe van Pastoor en laaste betrekking skoolgraad en ondervinding aan Biskop Wood, Posbus 57, WINDHOEK.

Oohapu dhandje nenge dhakalunga

NINGENI OMUTI OMWANAWA NIIYIMATI YAGWO IIWANAWA? NENGE OMUTI OMWIINAYI NIIYIMA= TI YAGWO IIWINAYI. OSHOKA OMUTI OHAGU DHIMBULULWA KIIYIMATI YAGWO. Mat. 12:33-37

Onkalathano yaantu aluhe naakuhe, nkene yi li ombwanawa nenge yi kenyeneka, oyo oshinima tashi pangelwa notashi uthwa koo-hapu dhaantu. Okukalapo kwomuntu ta nya-nyukwa otashi uthwa kuukwatya woohapu ndhoka tadhi popiwa mpoka nkene dha tya.

Nohapu yimwe ayike uuyuni auhe otatu vulu okuninga oshipilili, omukalo noka tagu fala nuupu sigo momadhipagathano. Othithiya nompungulo onene yoohapu dhandje oyo omutima gwandje. Mark. 7:21-23.

Olwindji otwa yuulukwa okukala aawanawa, aakriste tu li pakriste, nonando momitima dhetu inatu pungula mo uwanawa. Jesus ta ti: "Kamu vulu." Ov. 34

Katu na eha lyokukala yopokati kuuwanawa nuuwinayi. Eha lyetu olyokukala aawanawa nenge aawinayi. Ihe oshinemenima hashoka ashike sho itatu vulu pahapu ndhika dhaJesus Ov. 34 b, unene tu sho katu na we eha lyelongelokalunga. Ehol. 3:16 Kalunga ote tu kungu mo.

Oohapu dhandje omuntu kadhi na etungo lya-sha monkalathano. Ohashi dhimbululwa nawa muushiinda kau na oohapu dhaKalunga, mondjokana moombelewa nenge miipangelo moka antu taa pumbwathana shili okuyakulathana. Mpo pu thike eshonopalo lyoohapu dhaKalunga mungame, opo wo pu thike owindji woohapu dhandje tadhi hanagula.

Omuyapostoli Jakob ta ti: Tse ohatu puka olwindji moohapu dhetu miinima oyindji. 3:2. Omupsalmi ta ti: Omalaka gawo oga fa omagongamwele, noohapu oondulu taye dhi lukile ngashi omaholango guuzigo.

Otatu longitha shiko nenge otatu adha peni iitya yokulongitha mokati kooyakwetu. Ngele tatu popi oohapu dhetu yene, otatu yono, nenge ngele tatu mwena owala, otatu ningi nayi.

Omuyapostoli Petrus ota ti: Ngoka ta popi na popye oohapu dhaKalunga, naangoka ta yakula ne shi ninge koonkondo ndhoka te dhi pewa kuKalunga I Petr. 4:11. Paulus ota ti wo:

Oohapu dheni nadhi kale aluhe oombwana-wa dha toyala omongwa, ne mu kale mu shi shi nkene mu na okuyamukula omuntu kehe. Kol. 4:6

Omuwa okwa pendje elaka lyomulongwa, opo ndi kale ndi na uunongo okuyakula noku-tsa omukumo mboka ya loloka..Osho omupro-feti Jesaja a ti. 50:4

Omilungu dhaJesaja odha vulu okutalale-ka ngaaka yalwe sho dha opalekwa tango Jes. 6:6-7. Omalutu getu nando ogo ote-mpeli yelongelokalunga, kape na gumwe e na oondunge oku lu yakulitha iilonga ya-lwo manga inalulwa yapulwa kOmbepo yaKa-lunga.

Mboka yu udhithwa Ombepo Ondjapuki oyo haa ende notaa longo pambepe, ye li aana yaKalunga Rom. 8:8-14. Ehambelelo otu li na sho Kalunga ketu e tu nine euvane-ko lyokugandja omagano ngaka. Jes. 59:21

(Sebulon Ekandjo)

+++++

L.W.F. muTanzania

Oshoongalele shaaveshe sheengerki adishe eenghwaluther mounyuni (LWF), otashi ka ongala muTanzania, Afrika 1977 ngeenge omafaneko a shakenifwa.

Onghundana ya dja moshoongalele sheWili-kongudu lehangano eli oya ti, kutya nge-nge oshoongalele oshiti 6 sha ongala mu Afrika, eshi osho oshikwahistoli shotete tashi ningwa mo lwotete shi fike apa.

Oshoongalele oshiti 5, osha ningilwe mu Franisa 1970. Ehangano eli omo Ongerki yetu i li yo oshilyo, oli na oilyo eemiliyona 54 netata yomeengerki 88 eenghwaluther.

Ongerki yetu ohai tambula ekwafo lihapu kehangano eli. Omalongekido oshoongalele tashi ya otaa ka hovela muFebuluali 1974 nge pwa hoololwa tete okomitiye yomalongekido.

Aasita aakulupe ya tumbalekwa

IILONGA YAASITAGONGALO YA KOKA MONGERKI NDJIKA, OYA HOKOLOLWA NOKUYE-
LUTHA POMBANDA MOSHIGONGINGERKI MONGWEDIVA PETAMEKO LYAJULI NUUMVO.

Montaneho yoshigongi shiyaka, omadhina gaasita aakuluntu lela oga tumbulwa noya kalekwa omutumba miipundi yesimano komeho gashigongi, iipundi mbyoka ye yi pewa omagano kongerki okuvululukilwa mo kiilonga yawo yomimvo odhindji moshigwana, manga taa li oshikwiila shawo shevululuko.

"Omwe tu thigile shili oshiholekwa oshivanawa sheidhidhimiko noshohole. Kalunga okwa yambeke oshilonga sheni." Osho omusitagongalo Petrus Shipena, amushanga gwomumbisofi a popitha aakulupe medhina lyOngerki. Okwa gwedha ko a ti:

"Upagani omo wa li moshigwana shika, omaluhepo katu ga na methimbo lyetu omo wo ga li, ihe Kalunga okwa longo iikumitha moshilongo shetu keyakulo lyeni aamati yaKalunga, sho mwi igandja ne yene kuKalunga nokoshigwana shetu. Omwa kokola nomwa thetheke po iikeke nomithitu dhuupagani nevangeli lyombili."

Mboka ya tumbulilwa ngeyi oyo; Sakeus Ihuhwa (93), Paulus Munalye (75) Paulus Nailenge (87), Paulus Shijagaja (81), Johannes Itope (79), David Shihepo (88) na Mika Shifula (89) ngoka opo a adhika a mana oondjenda popepi noshigongingerki shika.

Manga eimbilo lyehambelelo tali imbwa, omumbisofi dr. L. Auala okwa kutha aakulupe mbaka gumwe na gumwe e ya kuutumbike kehe ngoka moshipundi she komeho goshigongi. Ootatekulu Paulus Nailenge, David Shihepo naPaulus Munalye, oyo ayeke ya li ya mono oonkondo dhokukala moshigongingerki shonuumvo. Moshipundi shanakusa Shifula omwa kalwa komuselekadhi kuku Hilde Shifula.

"Kalunga ne mu dhiginine, ye ne mu fute nesilohenda lye," osho tate Shipena ngoka a li po omuwiliki gwokatuthi kehambelelo lyiilonga yaakulupe mOngerki, a hulitha omatumbulo ge.

Kaasita aagundjuka, tatekulu Nailenge okwa ti; "Litheni oshigunda shaKalunga mwa dhiginina oshili." Tatekulu okwa indila wo Ongerki ya kale haa dhimbulukiwa momagalikaneno.

Miipundi yawo pamwe nokatafula okafupi pukehe oshipundi, aakulupe oya li yu uvite uuntsa noya dhimbulula oshilonga shawo nani kashi shi osima. Jesus oku uvanekele aalongwa ye taa ka kuutumba miipundi nokupangula omazimo gaIsrael omulongo nagaali. "Otwa fa twe shi ningilwa nale nokuli."

Osho tatekulu Shihepo a popi.

Tatekulu Ihuhwa okwa tumbula nonkumwe onene kutya, nani Ongerki inayi dhimbwa ndje.

"Ka tsikileni okugalikanena Ongerki mevululuko lyeni. Moshilonga shegalikano inamu zimbulwa mo natango." Osho omumbisofi a laleke aakulupe.

J E S U S N E N A

OSHILONGA SHEXUPIFO MOKATI KOVANHU VOPEFIMBO ELI NEENGHONO DA JESUS NENA, OYO OSHIKU-NDANWA SHINENE PAIFE MOKATI KEENGERKI. MO "ASHRAM" YOVAFITA NEUDO, OMUYAKULI WOVA-YAKULIONGALO MONGERKI, REV. TOIVO PENTIKAINEN, OSHINIMA ESHI OKWE SHI POPYA NGAHA:

Pwa pita paife eedula dimwe eshi muEngland mwa ningwa ekonakono lomapulo mokati kovakalimo aveshe kombinga yeitaveko lavo muKalunga kashili. Okwa tiwa kutya epelesenda 94 moshwana ashishe oda hokolola kutya otava itavele Kalunga. Epulo oli li natango opo, kutya vangi ne ve na eitavelo lashili?

Eshi otashi konekiwa yo moilongo ikwao yovakriste, unene muEuropa lokouninginino nomu-Amerika. Michael Green, okwa shanga embo edina lalo "Runaway world" (1968) omo ye a fatulula nhumbi ovanhu ve li pokushuna monima, noku efa eitavelo ekwakriste.

Ovakomunisi muEuropa lokoushilo naAsia, otava ti: Jesus ina kala mounyuni, ke fi omunhu shili. Bruno Bauer, a kala peedula 1842, omunashimhanga munene okwa ti, kutya Jesus oye a dalwa ashike momadiladilo aMarkus (Omuyevangeli). Ehongo eli Karl Marx okwe li itavela nokwa tota eitavelo loukomunisi. Ehongo eli ola shikulwa kovanandunge vahapu.

Aldrus Huxley, okwa ti, ye ina hala okutambula nokuwanifa osho tashi pulwa kokukala kwopa kriste. Ounyuni kau na elalakano lasha, omadiladilo oo okwe mu patululila omavelo wokukala kwopaseks (moluhaelo) memanguluko.

Vamwe otava ti, kutya ihava pumbwa Kalunga, ile otava hokolola kutya Kalunga okwa fya nale. Ovanhu eshi tava tila okweefa po eengudu dovanhu edi da itavela omhepo ei, nove likalele, otava hovele ashike okweekelashi Jesus nokulandula omadiladilo ounyuni. Omunhu ngenge ke na eitavelo, ponhele yeitavelo ota tula po sha shimwe shi lili.

Osho ngaha pefimbo eli eumbo otali dinwa, ouhapu wovakulukadi tau popilwa, oukoloko-shi tau tandavele, elongifo loikolwifa nolingangamifi ikwao tali tana osho yo omadi-paafano, osheshi ounyuni kau na vali eteelelo lasha.

Oilonga yaJesus

Tate Pentikainen okwa twikila vali oshipopiwa shaye ngaha, kutya fye otu na omapulo ngenge Jesus ota longo tuu mefimbo letu yo? Ngenge ota longo, ota longo peni nongahelipi? MuEuropa omu na omahangano manene Embibeli. Omahangano aa oku li yo moilongo yovakomunisi ngashi muPoland, Jugoslavia, Hongarei nomu-Tsjeksllovakia.

Embibeli 800,000 otadi tandavelifwa muEu-

ropa lokoushilo omudo keshe. Omunhu oto dulu yo okutala oiningwanima ei tai ningwa muIsrael pefimbo letu okuhovela 1967. Mwinya ovanashilongatumo 1000 otava longo mo Ovajuuda 5000 fiyo 6000 otava shashwa omudo keshe meitavelo lomuJesus Kristus.

Nande pe na Ovajuuda vamwe ovo tava kenabala okukeelela oshilonga eshi neitavelo eli, ngashi va xwika po Oshinyanyangido nombelwa onene yEmbibeli komhunda yeemono. Oshinyanyangido osha xupifwa.

Omudo 1971 muKotoba, oshivikembibeli osha ningwa momukunda waSaskaton mu-Canada. Omukulukadi umwe okwa popifwa komwene nokwa ulikilwa eshi a efa ohole yaye yotete. Okwa hepaulula etimba eli moipafi yeongalo mongerki yaEbenezer, novanhu vahapu ova kwatwa kexwamo okupwilikina eendjovo daKalunga. Omuvulu wovaliyandji kuKalunga ova hapupala fiyo 2000. Osho ngaha oshilongo ashishe osha pwa ko komhepo yepapuduko. Ova mona kutya ovanamatimba moimima ei:

1.Ova hololelwa eshi va efa ohole yotete.

2.Ova koneka eshunomonima lavo nove lidilulula. Ohole, eitavelo, oshili, neenghono dokuhepaulula omatimba oda holoka natango.

Mepapuduko eli ovanhu vavali ovamwaino fana ovo va kala inava minikafana voo inava popya moule weedula mbali, ova paafana vali ombili. Nokuli vamwe ova kala hava ongala mongerki imwe, ndele inava popya nande moule weedula 17, inava kwafafana, ove lipa yo ombili.

MuKorea omuyevangeliste wounyuni Billy Graham, okwa ninga oyoongalele yomaudifo nokwa pwilikinwa kovanhu 516,000. Mounyuni aushe omuudifi a pwilikingwa kovanhu ve fike apa pefimbo limwe.

Murio de Janeiro, omuudifi ou okwa pwilikinwa kovanu 200,000, muDurban neudo okwa pwilikinwa kovanhu 60,000. Aishe ei otai ulike oilonga inene yaJesus oyo ta longo fiyo onena mokati ketu.

Oshilongatumo muAfrika nena

Omusitagongalo nomutonatelishitayingerki Jason Amakutuwa, oshipalanyolo "Jesus nena" okwe shi fatulula noma dhiladhilo ngaka: (Tala kepanja 6.)

Jesus nena

ETUMO MUAFRIKA NENA (Dha za kep. 5.)

Omusitagongalo Amakutuwa okwa ti: Omatumo agehe oga penduka methel-
mumvo 1950 noga mbolokotele iilongo yaAfrika, oshoka Tate ota longo
sigo ongashingeyi, nangame wo otandi longo. Ohaku tiwa aakriste kaya
li ya tendelwa omikunda ngashi nena. Oshigongi oshitiyali shEtumo
lyuuyuni, osha li muJerusalem 1928, uukriste u ye nuuyuni, Jesus a si-
kilile uuyuni.

Momumvo 1940 aantu omil'yona eyovi limwe (1000,000,000), oya yi mei-
pangelo muAsia manga aantu omiliyona dhomathele gatano (500,000,000)
oya yi miikaha yaakomunisi. Momimvo 1950-1960, Afrika olya landula
ko momundjondjomokelo gwiilongo tayi ipangele. Momvula 1960 iilongo
17 yaAfrika oya manguluka, oyindji yomuyo oyi na aapagani oyendji taye
tu ipulitha kutya:

- a) Otatu uvitha ngiini evangeli, nenge otatu uvitha shike?
- b) Omolwashike tatu uvitha?
- c) Omolwashike uukriste tau kala waantu ayehe?

Aantu oyendji oya longwa komatumo ngoka ga zi kUuningininino waEuropa
nenge kuAmerika noye etelele eputuko lyawo nokupoya elaka lyOshiingi-
lisa. David Livingstone okwa tuulunga Afrika alihe e li krisitike.
Dr. John Philip gwetumo lyaLondon (L.M.S.) naye wo okwa longo oshilonga
shoka. Aahongi oye etelele eputuko, onke taa kondjithwa nena notaa
tilika.

Aawiliki yoongerki oongundjuka oye na elago momatumo, ihe oya tondo aa-
hongi momavi gamwe ngashi muFilipyne, Asia. Nale aahongi oya li ya
simana, ihe nena inaa tumbalekwa we. Miigwana moka Kristus a kana mo,
oyi li konima lela. Omuprofesoli Kaj Baag, muBangalore, India, ota ti
kutya aantu itaa zi nando meitaalo lyaBuda, lyaHindu nenge lyaMuhamed
ya ninge yaKristus.

Lesslie Newbigin ota ti wo, kutya Aahindu naAmuhamedi inaa pyokoka ya
fe aakriste. Nonena Kristus ota lombwele kutya: Inda u ki iyoge medhi-
ya lyaSiloa. Mongundu yaalongwa yaJesus, omwa li yamwe aapolotika
ngashi Simon Selotes naLeevi yaAlfeus. Lukas omupangi, "arkus omudi-
akoni, Mateus omumbala, Johannes omusaseri naPaulus omufarisayi.

Petrus okwi itula onakuyiwa nokwe yi itaale. Evangeli otali ti kutya
Jerus oye Omukwaniilwa gwetu, e na epangelo alihe. Eshito otali mu
pe esimdano, oye omupangeli gwoongerki. Ngele itatu uvitha, Kristus
oti ikwatele ko. Kristus oku li muuyuni nowetu.

+++

IHATU TWALA ETUMO OPO PA LONGWA NALE

Oshilonga shetumo osha fimana mOngerki yaELOK. Oinhimbu oyo i na omwe-
nyo wa mona onghenda nohole yokuhola ovamwaina, nova dimbulukwa, kutya
omunhu keshe a shitwa kuKalunga, ota pumbwa Jesus.

Ovakriste ve li ngaha, va xwamifwa kOmhepo Iyapuki, ove udite ongu-
nga yohole tai va fininike okulonga etumo. Efimbo eli olo liwa oku-
longa oshilonga eshi, osheshi muvahapu mwa penduka omhepo youmwaina-
fana, omhepo yokukondjela ouwa womukwao. Eshi osho naanaa oshilonga
shetumo, okukondjela omunhu waKalunga aushe, olutu nomwenyo.

Mounyuni wonena vahapu ova kanifa olupe loounhu wavo noshifefa sha-
(Tala kep. tali shikula)

Da dja kep. 6

Kalunga sha lundululwa konphalelo younyuni Omalunduluko efimbo okwa ninga omudjuu komunhu keshe, Mefimbo li li ngaha, oshilonga shetumo otashi pumbwa okulongwa neenghono, o-
po ovanhu vehe na etuluruko mounyuni, va mo-
ne etalaleko muJesus. Jesus oye aeke a hum-
bata omaudjuu oonyuni mokuwanifa exupifo
laaveshe tave mu itavele.

Oshilonga shetumo osho edidiliko longerki i
na omwenyo meitavelo layo notai kondjo okuwa-
nifa oshipango shetumo Mat.28:18-20. Opo
pe na omwenyo, oshipango eshi oshipe keshe e-
fiku.

Pamwe pe na tuu vamwe inava shiiva kutya, o-
tava longo peni notava longo ngahelipi? Nge
ope na ou ha hala ouyelele, tuma omapulo oye
koshifo shOmukwetu, opo u nyamukulwe nawa.

Paife handi endulula ashike osho ho shi ni-
ngi shito, kutya oshilonga eshi tashi longwa
tete momwenyo wa yada Omhepo Iyapuki, omwe-
nyo wa papuduka, nOmhepo oyo tai ningi omu-
longi woshilonga shetumo oku ku ulikila pa-
maano aa u kwete.

Eshi omunhu a yadifwa ngaha ohole nombili
yaKalunga, ota diladila vakwao, kutya ove li
ngahelipi? Ovo ve li popepi na ye ile ve li
kokule. Nena oshilonga eshi sha longwa meni
laye, otashi eta oiimati.

Omunhu ou ota twala evangeli kovanh, ta i-
likanene ovo va kana ondjila. Eshi ashishe
omunhu ota dulu oku shi longwa e li meumbo.
Omukriste ota hooloba efimbo momafimbo aye
nota dulu oku li luka "efimbo letumo."

Mefimbo eli, oto ilikanene oshilongatumo mo-
ngerki, meongalo, ovapaani nomefimbo li li
ngaha oto dulu oku kala ove auke, ile mu li
ehangano, opo mu kundafane etumo.

Ohole yetumo oyo hai tungu omahangano okulo-
nga oshilonga eshi. Eengerki daKristus oda
dimbulukwa elongelokumwe moshinima eshi sho-
kutwala evangeli laJesus. Nande pe na yo o-
vo va hala okutwala evangeli opo itali pu-
mbiwa, nokutya opo pa dikwa nale omaongalo.

Ashike fye Ovaelok, otu na elao, inatu ha-
la okuninga ngaha. Otu na omapya etumo ha-
tu ke a endulula komesho, opo pe na ovapaa-
ni vahapu tava teeleele ekwafo letu.

Tu longeleni Omwene nehafo.

(Paulus Andreas)

Da dja kep. 1

Omahepeko e fike apa eshi a pendula o-
mhupo ii movanhu, osha twala fiyo omoku-
kupula oihauto yovatilyane nomamanya eshi
tai lotoka mopate. Oulunde wefiku olo o-
wa li wa twima ondwi ngashi yomhepo yoshi-
kungulu.

Omahokololo efyo mekwatafano noshiningwa-
nima eshi, shi nyanyalifa, inaa mona na-
tango ekoleko. Ashike ekwato lovanhu ola
twikile yo momafiku makwao a shikula, omo
mu na ovalongi vahapu, ovahakuli novaho-
ngwa.

Pahokololo lihe shi nawa kulineekelwa,
otaku tiwa eenghwate odi dule 70. Omahe-
peko makwao otaa udika natango keembinga
neembinga oo tea ningilwa ounona novaku-
lukadi.

Fimbo oilonga ei tai longwa apa, vo ova-
wiliki omutwe wepangelo lOwambo, ohamba
Filemon Elifas noministeli yehongo omufi-
manekwa Kornelius Ndjoha, ove li mondji-
la va finda kuPretoria pamwe novakaleli-
po vomomaduumbo makwao, okukundafana nhu-
mbi oiwana ei tai fikifwa melipangelo lo-
ukumwe wedu, pafaneko lomutumwa woiwana
ya hangana Dr. A.Escher vo nepangelo la
S.A.

Mokangudu aka taka ifanwa okayandjimaye-
le taka wilikwa koministeli yotete ya S.A,
ovakalelipo vepangelo lOwambo ova ti, ku-
tya napu katukwe onghatu meenghono depra-
ngelo, opo ekwatafano loilumbu novalaule
li wapekwe moshinima keshe. Kutya ekwata-
fano ola tewa po kushike, inashi popiwa.

Eenghundafana dokangudu aka oda li ko e-
ti 16-17.8.1973. Eshakeno etivali eshi
ka totwa po.

Pehovelo lodula ei Ongerki ya hangana
muSuidwes onghwaevangeli (VELKSWA) oya li
ya twala eshikulafano loilonga yomhepe-
ko ehe fi opanhu haa ningwa moshilongo
kovapolifi va S.A, Eshi sha ningwa o-
mafiku aa, osha koleke ashike oitya yo-
ngerki moipafi yaavo tave shi lidimbike.

+++++

+ Eefikola dihapu mOwambo inadi longa
omafiku a dja ko molwomapulukuto aa. O-
umbada mounona nomovadali, shiimba mova-
longi yo, oo etomhelo limwe tali tumbu-
lwa po, ngashi ofikola yaNgwediva kouno-
na.

ONDAKANIFA ORADIO YANGE

Eti 31.7.1973 onda kanifa oradio yandje mondjila yokushuna kuTsumeb. Oradio No. 179746, yoshisiliveli, yeebande mbali F M na S W, oya kanena moshihauto nde shi londele poteya popate ei ya ya kOniipa. Oshihauto oshokOukwambi tashi i kOmbaye.

Kombada yoradio okwa shangwa ngaha: "Ason Ndatya". Meni layo omu na okakalata keongalo nokambo katilyana ke na omitwe yomafano ka shangwa mOshiputu. Ovamwameme mwa li moshihauto nonwene washo ohandi lineekele kutya, oradio ei omwe i diinina nga natango ile otamu dimbulukwa sha kuyo, kwafeni nge mu tume elaka ku:

WALDE NAKALE, Posbus 621, Tel. 12203 TSUMEB. Tangi kekwafo leni.

+++

EHANGANO LOVAXUPIFI

VOSHIWANA

Ovanhu konyala ve dule 1000 ova teeelwa moshongalele shehangano lovalidiliki voikolwifa mOngerki aishe mOkaku, pafaneko leshikulafano lasho.

Eenghundafana moshongalele eshi shomafiku avali netata 21-23. 9.1973 otadi ke lipamba unene kombinga yombibeli, yoiniwe yehangano nokeenghokolwa doshongalele sha pita 1972.

Omundohotola mouhaku umwe ota ka ifanwa yo okuyandja ouyelele wawasho hashi di moikolwifa tashi eta oshiponga momunhu.

Pafaneko leshikulafano eongalo keshe ngenge oa tumu ovanhu ve dule 20, oshongalele ota ka kalwa kovanhu ve dule eyovi limwe. Omukwawashongalele keshe, ota pulwa 500 molweemhumbwe doshongalele.

Omunashipundi mehangano eli omufitaongalo Jason Amakutuwa, hamushanga omufitaongalo Josia Mufeti.

A gwanitha omimvo 100

Omutumwa omukulupe Kalle Koivu ngoka a longele ethimbo ele mOwambo, ngoka a tungitha wo Ongwediva, okwa tsakanitha omimvo 100 nuumvo muJuli.

Kalunga ne mu gwedhele omasiku ge na elago.

YA GALUKA KU SOOMI

Aatumwa yaali Olle Eriksson na Kalle Syria pamwe nomagumbo gawo, oya galukile ishewe kuAfrika omasiku ngaka moshilonga shetumo.

Omulongi omukulu Syria moseminari onkulu yaNgwediva, ota kala pamwe negumbo lye kOtjiwarongo meyakulo lyaalumentu yomehalakano pamwe nomusita Leevi Max.

Tate Olle otaa kala natango mOniipa ongomukuluntututumba na amushanga omunene gwiilongafaneko (projekte) mOngerki.

Aapangi wo Paula Heikkilä na M-Liisa Niinimäki, oye li mondjila yu uka kEngela sho ya ka fudhile po oomwedhi dhimwe. Usho wo omulongi gwaasita kuPaulinum Rev. Juhani Kaipainen negumbo lye sho ya fudha po oomwedhi ne.

++++

OMUKWETU

Oye oshifo shOngerki onkwaevangeli pa-Luther yomOwambokavango Ohashi nyanyangidhwa mOniipa, Omukuluntu gwOshifo omumbisofi dr. L.Auala. Amushanga gwOshifo Rev. Sebulon Ekara'jo.

Ondando yoshifo komumvo muSuidwes-nomu S.A. R 1,00, kombanda yomafuta R 2,00 Oondando nomambesitelo naga tuminwe kOmukwetu, Oniipa, Private Bag 2013 Ondangwa.

Omatseyitho gomuntu mwene otaga futilwa ehala ndyoka wa longitha. Iinyolwa iikwa-wo itayi futilwa sha.

Owambokavango Church Press
Private Bag 2013, Ondangwa, SWA.